



Broj: 01/1-02-2652/17
Breza, 29.11.2017. godine

ZAPISNIK

sa **JEDANAESTE REDOVNE SJEDNICE Općinskog vijeća održane dana 25.10.2017. godine sa početkom u 16,30 sati u prostorijama Općine Breza-Sala Općinskog vijeća.**

Sjednicom je predsjedavao predsjedavajući Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 21 vijećnik.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Meliha Beširević, Smajila Omerhodžić, Salih Hasanspahić, Huso Herco, savjetnici općinskog načelnika, članovi Odbora za provedbu Etičkog kodeksa, predstavnici medija.

Predsjedavajući Općinskog vijeća Jusić Vedad upoznao je vijećnike da su održana dva sastanka predsjednika klubova parlamentarnih stranaka, te da su zapisnici o istim dostavljeni u materijalima. Upoznao je vijećnike da će se dana 30.10.2017. godine održati obuka vijećnika u sali Općinskog vijeća u Varešu sa početkom 10,30 sati, te traži od vijećnika da se odazovu zakazanoj obuci. Isto tako upoznao je vijećnike da je 31.10.2017. godine zakazana tematska sjednica na temu Izvještaj o finansijskoj reviziji Općine Breza za 2016. godinu. Dostavljeno je i mišljenje komisije za Statut i propise kao i dopis skupštine ZDK o dostavljanju prijedloga za Program rada skupštine ZDK za 2018.godinu.

Vijećnica Škrgić Belma dala je primjedbu na zapisnik sa sastanka predsjednika klubova parlamentarnih stranaka koji je održan 10.10.2017. godine te je istakla da u zapisniku nije naveden stav kluba nezavisnih vijećnika po pitanju prijema državnih službenika, koji su po ovom pitanju ostali suzdržani.

Primjedbu na zapisnik dao je i vijećnik Kadrić Memsud koji je zatražio pojašnjenje po pitanju stava vijećnika SDA koje se odnosi na prijem državnih službenika za koji vremenski period se ograničenje odnosi, te je mišljenja da ova materija zahtijeva detaljnije obrazloženje.

Vijećnik Ćamil Buljetović smatra da je ovo ozbiljno pitanje te treba iznijeti istinu i stavove predsjednika klubova. Vladajuće stranke dobile su izbore na osnovu kritka zapošljavanja prethodnog načelnika. Općinski načelnik dolaskom na funkciju izvršio je prijem određenog broja uposlenika. Stranke DF i SDP traže da se poništi konkurs za prijem državnih službenika, do finansijske stabilizacije budžeta i donošenja Pravilnika o sistematizaciji radnih mjesta u jedinstvenom općinskom organu. Traži da se pismenim putem zatraži od načelnika i Agenciji za prijem državnih službenika ZDK da ponište konkurs, obzirom da isti nije transparentan ni zakonski zasnovan, odnosno da je namješten. Predlaže da se vijećnici imenom i prezimenom izjasne po istom i da to uđe u zapisnik.

Predsjedavajući Općinskog vijeća u ime kluba SDA pojasnio je da ova stranka smatra da u 2017. godini nema prostora za upošljavanje novih državnih službenika obzirom na predviđena sredstva u Budžetu za 2017.godinu, do usvajanja novog Budžeta.

Vijećnička inicijativa Buljetović Ćamila, predlaže da se vijeće o istoj izjasni kod razmatranja inicijativa, odnosno po potrebi uvrstiti kao tačku dnevnog reda.

Zatim se pristupilo razmatranju i usvajanju Zapisnika sa desete redovne sjednice Općinskog vijeća Breza.

Primjedbi na Zapisnik nije bilo, te je nakon provedenog postupka glasanja konstatovano da je isti usvojen jednoglasno sa 21 glasom ZA, bez protiv i suzdržanih glasova.

Zatim se prešlo na vijećnička pitanja.

Vijećnik Sirotanović Arif istakao je da povlači ranije pokrenutu vijećničku inicijativu koja se odnosi na naplatu naknada utvrđenih zakonom od javnih preduzeća i ustanova, obzirom da su većina dužnika u državnom vlasništvu.

Vijećnik Bajrić Fetah istakao je da je na devetoj sjednici postavio pitanje koje se odnosi na broj, realizaciju i finansiranje projekata i od kojih nivoa vlasti se finansiraju. Kad se izvrši analiza, vidi se da najmanje učešća u finansiranju ima sama općina. Uočeno je, da ni jedan jedini projekat nije urađen da bi se apliciralo za sredstva za projekte koji su u realizaciji. Budžetska sredstva koja su na raspolaganju troše se na plate i naknade uposlenika, a vrši se i prijem novih uposlenika. Smatra da je općina postala talac uposlenika općine Breza i općinskog načelnika. Takođe je izrazio negodovanje zbog nedostavljanja odgovora na vijećničko pitanje koje se odnosi na Izvještaj o finansijskoj reviziji općine Breza za 2016.godinu, te pitanja odgovornosti za odgovorna lica. Šta je ko poduzeo po pitanju negativnog revizorskog izvještaja. Obaveza izvršnog organa je da u roku 15 dana odgovori na postavljeno vijećničko pitanje, a korespondenciju između službi i Općinskog vijeća treba da radi Stručna služba Općinskog vijeća.

Vijećnik Kadrić Memsud zadovoljan je dostavljenim odgovorom na vijećnička pitanja a naročito po pitanju projekta asfaltiranja naselja Založje, kao i pokretanja aktivnosti na uređenju autobuskih stajališta.

Vijećnik Avdić Edin pohvalio je prijedlog rješenja za uređenje Trga rudara u Brezi od strane Službe za prostorno uređenje, zaštitu okolice, imovinsko-pravne i geodetske poslove, a posebno je za pohvalu što su u prostoru zadržane zelene površine i postojeće drveće.

Zatim se prešlo na postavljanje novih vijećničkih pitanja.

Vijećnik Sokić Dževahid je prije postavljanja vijećničkog pitanja zatražio je od sekretara Općinskog vijeća i urednika zvanične web stranice Općine Breza da ažurira postojeće podatke obzirom da je došlo do promjena koje nisu evidentirane. Predlaže da se izvrši ispravka teksta koji se odnosi na graničenje Općine Breza sa susjednim općinama, gdje stoji da Općina Breza graniči sa četiri susjedne općine, što nije tačno, nego graniči sa Varešom, Ilijašom i Visokom.

Postavio je vijećničko pitanje

- „Zašto Udruženju dobitnika najvećih ratnih priznanja Općine Breza (UDNRP) nije do sada uplaćena niti jedna tranša, iako je Budžetom Općine Breza za 2017.godinu planiran iznos od 4800 KM. „

- „Da li je u ovoj godini bilo uplata grantova drugim asocijacijama boračke populacije (UABNOR, Porodice Šehida, RVI, JOB Unija veterana, UG Patriotska liga i UG Demobilisani borci 92-95), obzirom da je za te namjene Budžetom planirano ukupno 33.600KM. Ako je bilo uplata, kojim udruženjima i u kojem iznosu.

Vijećnik Bašić Mirnes postavio je vijećničko pitanje:

-„Zašto se nije izvršilo nasipanje puta od Orahova do Slivna te raskres istog.

-„Kada će biti asfaltiran dio puta iznad naselja Opreč?“

Vijećnica Jekalović Amina postavila je vijećničko pitanje koje se odnosi na isplatu stipendija nadarenim studentima, da li su iste isplaćene i kada će biti?“

-Drugo pitanje koje je postavila odnosi se na korištenje sportskog igrališta Partizan, odnosno“zašto su na sportskom igralištu Partizan oba ulaza zaključana te nisu dostupna djeci i omladini i ostalim građanima?“

-U ime građana naseljnog mjesta Slivno upoznala je vijećnike da su građani ovog naseljenog mjesta nadležnim organima uputili dopis za obustavu redovne sječe šume na lokalitetu Makve i Jablanovo. Sječom dolazi do ugrožavanja postojećih izvorišta pitke vode kojim se snadbijevaju građani ovih naseljenih mjesta, groblja, samog izletišta i postojećeg asfalta. Ukoliko ne dođe do obustave najavljene sječe šume građani najavljuju blokadu puta.

Vijećnik Avdić Edin istakao je da je Općinsko vijeće u prethodnim sazivima, kao i poslanik Općine Breza u ZDK više puta tražili participaciju putnih troškova za osigurana lica sa područja Općine Breza. U odgovoru zastupniku Zimoviću rečeno je da RMU Breza ne vrši uplatu doprinosa. Današnji odgovor dostavljen od strane Zavoda zdravstvenog osiguranja Zenica nije logičan, nema argumenata ni činjenica, jer se radi o materiji koja je zakonom regulisana. Zakon o zdravstvenom osiguranju pretrpio je više izmjena i dopuna, međutim nikada nije izvršena izmjena člana 48., koji se odnosi na participaciju putnih troškova i nisu urađeni provedbeni propisi i da ne mogu isplaćivati naknade za prevoz osiguranih lica. Građani Breze nisu krivi što nisu doneseni provedbeni akti. Zavod zdravstvenog osiguranja Zenica se trenutno nalazi u suficitu. Isti je servis građanima i zdravstvenim ustanovama koje su u gubicima na nivou ZDK, što znači da ne izvršavaju svoje obaveze prema građanima i zdravstvenim ustanovama. Pokreće inicijativu da se pokrene tužba sudu, da se Zavod zdravstvenog osiguranja natjera da uvede provedbene propise. Inicijativa će biti dostavljena na kolegij općinskog vijeća, koji će se očitovati o istoj.

Drugo pitanje postavljeno je novom menadžmentu komunalnom preduzeću:

- Zašto imamo redukciju vode i šta je uzrok?

- Treće pitanje glasi, da li JKP spremno za zimsko održavanje puteva?

Zatim se pristupilo utvrđivanju dnevnog reda

Predsjedavajući Općinskog vijeća upoznaje vijećnike da je Komisija za Statut i propise dala mišljenje po prijedlogu „Odluka o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u FBiH o privrednim društvima u FBiH“, te istu vratila na doradu. Također predlaže da se 1 tačka dnevnog reda „Usmena informacija o radu Općinskog načelnika u periodu između dvije sjednice“, razmatra kao šesta tačka dnevnog reda, zbog opravdanog kašnjenja općinskog načelnika.

Vijećnik Buljetović Ćamil (DF) u ime Socijaldemokratske partije i Demokratske fronte, predlaže da se na dnevni red predstojeće tematske sjednice uvrsti i tačka u okviru koje će se vijećnici pojedinačno izjasniti o konkursu za prijem novih državnih službenika, koji je na zahtjev općine Breza, raspisala Agencija za državnu službu Federacije Bosne i Hercegovine.

Vijećnik Avdić Edin predlaže da se za ovu tačku pripremi informacija i tekst konkursa,

Predsjedavajući Općinskog vijeća dao je na glasanje prijedlog da se izmjeni redoslijed tačaka dnevnog reda, te da se I tačka razmatra kao VI tačka dnevnog reda.

Nakon provedenog postupka glasanja konstatovano da je prijedlog usvojen sa 21 ZA, bez protiv i suzdržanih glasova..

Zatim se pristupilo glasanju da se dnevni red zakazane tematske sjednice za 31.10.2017. godine proširi sa tačkom: „Razmatranje informacije o raspisanom konkursu o prijemu dva državna službenika u općinu Breza“

Za prijedlog je glasalo 16 vijećnika ZA, dok je 5 vijećnika bilo suzdržano, protiv nije bilo.

Safet Zahirović upozao je vijećnike o nadležnostima Općinskog vijeća i Općinskog načelnika, te da je donošenje Pravilnika o sistematizaciji radnih mjesta u jedinstvenom općinskom organu u isključivoj nadležnosti općinskog načelnika.

Nakon toga je vijeće je jedoglasno sa 21 glas ZA, bez protiv i suzdržanih glasova usvojilo sljedeći:

DNEVNI RED

1. Razmatranje i usvajanje prijedloga Odluke o dodjeli u zakup poslovnih prostorija u zgradi Partizan.
2. Razmatranje i donošenje zaključka po nacrtu Odluke o dopuni Odluke o uslovima, držanju i načinu postupanja sa kućnim ljubimcima i nezbrinutim životinjama.
3. Razmatranje dopisa Skupštine ZDK o dostavljanju prijedloga za Program rada Skupštine ZDK za 2018. godinu.
4. Razmatranje i usvajanje Zaključka o terminu održavanja sjednica Općinskog vijeća Breza.
5. Razmatranje i usvajanje Izvještaja o održanoj privredno, kulturno-sportske manifestacije Bazenijada 2017. godine.
6. Usmena informacija o radu Općinskog načelnika u periodu između dvije sjednice.

Ad.1

Razmatranje i usvajanje prijedloga Odluke o dodjeli u zakup poslovnih prostorija u zgradi Partizan.

Sekretar Općinskog vijeća Safet Zahirović pojasnio je pravni osnov i razloge za donošenje ove Odluke. Zatim je upoznao vijeće da je humanitarna organizacija „MERHAMED“ MDD Sarajevo – Osnovni odbor Breza, pisanim putem obratio Službi za prostorno uređenje, zaštitu okolice, geodetske i imovinsko-pravne poslove Općine Breza, zahtjevom za dodjelu prostorija u zgradi „Partizan“ u Brezi, na korištenje, radi obavljanja humanitarne djelatnosti.

Obzirom da je Humanitarna organizacija „MERHAMED“ MDD Sarajevo-Osnovni odbor Breza i u prethodnom periodu prostorije koristilo isključivo za namjenu za koje su im i dodijeljene i sa pažnjom dobrog domaćina, a obzirom na djelatnost koju obavljaju, predlaže se Općinskom vijeću donošenje ove Odluke.

Vijećnica Jekalović Amina predlaže da se za slijedeću sjednicu Općinskog vijeća pripremi Informacija u kakvom se stanju nalazi humanitarna organizacija „Merhamet“ u Brezi.

Vijećnik Čamil Buljetović je protiv davanja sportskih prostorija Merhametu, i da se vrate sportistima i penzionerima. Uslovi u kojima trenutno radi Merhamet nisu adekvatni.

Predlaže da se obavi razgovor sa nadležnim iz ove humanitarne organizacije o tome kakav rad Merhameta planiraju u ovom gradu, te da im se obezbijede adekvatne prostorije za rad.

Vijećnik Suljagić Mirzet podržava vijećnika Buljetovića obzirom da se radi o ustanovi koja je jedina ove vrste na području općine Breza. Predlaže da se razmisli za naredni period o dodjeli zemljišta za gradnju nove kuhinje.

Učesnika u raspravi nije bilo te je nakon provedenog postupka glasanja konstatovano da je Odluke o dodjeli u zakup poslovnih prostorija u zgradi Partizan usvojena sa 20 glasova ZA, i 1 suzdržanim glasom.

Ad.2

Razmatranje i donošenje zaključka po nacrtu Odluke o dopuni Odluke o uslovima, držanju i načinu postupanja sa kućnim ljubimcima i nezbrinutim životinjama.

Pomoćnik općinskog načelnika Salih Hasanspahić dao je pravni osnov i razloge za donošenje.

Na osnovu člana 8. stav 3. alineja 29. i člana 13. stav 2. alineja 8. Zakona o principima lokalne samouprave („Službene novine Federacije BiH“, broj 49/06)

-,U vlastite nadležnosti jedinice lokalne samouprave posebno spada zaštita životinja .“

Član 6. Zakona o komunalnim djelatnostima („Službene novine Zeničko-dobojskog kantona“, broj: 17/08), a u vezi sa Zakonom o zaštiti i dobrobiti životinja (Službeni glasnik BiH2, broj: 25/09) i Zakonom o veterinarstvu Federacije BiH („Službene novine Federacije BiH“, broj 46/00), i člana 105.

„Općine obezbjeđuju obavljanje komunalnih djelatnosti određenih ovim zakonom“.

Član 105. Odluke o komunalnom redu („Službeni glasnik Općine Breza“ broj 3/12) propisano je „Držanje pasa i mačaka uređeno je posebnim propisima.“

Člana 19. stav 2. Statuta Općine Breza („Službeni glasnik Općine Breza“ broj 8/09 - Prečišćeni tekst, propisano je da Općinsko vijeće u okviru svoje nadležnosti donosi odluke i druge opće akte kojima uređuje pitanja iz saupravnog djelokruga Općine.

Također je pojasnio da je prilikom primjene odredaba važeće Odluke uočeni su određeni nedostaci te je bilo neophodno pristupiti dopuni odluke u segmentu narušavanja javnog reda i mira , kao i poštivanje privatnosti građana susjednih objekata.

Vijećnik Avdić Edin istakao je da je ovo jako osjetljiva i precizna materija koja je propisana i uređena setom zakona iz različitih oblasti. Predlaže u članu 1 predložene Odluke umjesto „ sanitarno higijenskih uslova“ da se ispravi“ osnovni veterinarsko higijenskih uslova“. Zatim je istakao da propisi navedeni u pravnom osnovu ne regulišu pitanja o broju mladunaca te prostoru u kojem se drže životinje, a ta oblast je regulisana Pravilnikom o držanju pasa koji se drže kao kućni ljubimci. Također je predložio kod traženja saglasnosti „svih stanara“ da se traži saglasnost „većine stanara“ da se time ne krše konvencije o pravima životinja, kako bi izbjegli sudske procese. Na kraju rasprave predložio je dvije verzije amandmana

- Ukoliko u pravni osnov stavimo Pravilnik o načinu i držanju životinja kao kućnih ljubimaca, amandman bi glasio:“Uz obezbjeđenje veterinarsko-higijenskih uslova sukladno zakonima, propisima, i Pravilnikom i odredbama ove Odluke, te na način da se ne remeti javni red i mir uz saglasnost većine stanara.“

- Druga varijanta amandmana bez primjene pravilnika o načinu i držanju životinja kao kućnih ljubimaca uz „obezbjeđenje veterinarsko-higijenskih uslova, te na način da se ne remeti javni redi mir uz saglasnost većine stanara“.

Nakon toga predsjedavajući općinskog vijeća predložio je sljedeći

ZAKLJUČAK

I

UTVRĐUJE SE Nacrt o dopuni odluke o uslovima, držanju i načinu postupanja sa kućnim ljubimcima i nezbrinutim životinjama

Po utvrđenom Nacrtu Odluke o dopuni Odluke o uslovima, držanju i načinu postupanja sa kućnim ljubimcima i nezbrinutim životinjama, sprovesti javnu raspravu sa vijećnicima i svim zainteresovanim licima Općine Breza.

II

Javnu raspravu sprovesti u periodu od 26.10.2017 do 20.12.2017.godine

III

Za realizaciju zaključka zadužuje se Služba za privredu.

Nakon provedenog postupka glasanja konstatovano je da je zaključak usvojen jednoglasno sa 21 glas ZA bez protiv i suzdržanih glasova.

(Radu vijeća se priključio općinski načelnik u 17:45h)

Ad.3

Razmatranje dopisa Skupštine ZDK o dostavljanju prijedloga za Program rada Skupštine ZDK za 2018. godinu.

Predsjedavajući Općinskog vijeća upoznaje vijećnike da je od strane Skupštine ZDK stigao zahtjev za dostavu prijedloga za Program rada Skupštine ZDK za 2018.godinu. Predlaže vijećnicima da do 10.11.2017.godine dostave svoje prijedloge te da iste dostave u Stručnu službu Općinskog vijeća Breza kako bi iste uputili na adresu Skupštine ZDK.

Usljedila je pauza od 17:45 do 18:15h.

Ad.4

Razmatranje i usvajanje Zaključka o terminu održavanja sjednica Općinskog vijeća Breza.

Predsjedavajući Općinskog vijeća upoznaje vijećnike da je Općinsko vijeće Općine Breza na sjednici održanoj 23.11.2016. godne donijela je Zaključak o terminu održavanja sjednica Općinskog vijeća Breza koje će se održavati u zadnju srijedu u toku mjesecu u 16,30 sati. Obzirom da Općinsko vijeće pored redovnih sjednica održava tematske, svečane i vanredne sjednice, neophodno je ovlastiti predsjednike klubova parlamentarnih stranaka da mogu u određenim situacijama predložiti i drugi termin održavanja sjednica Općinskog vijeća imajući u vidu činjenicu da su nadležnosti predsjednika klubova parlamentarnih stranaka utvrđene Poslovníkom o radu Općinskog vijeća.

Učesnika u raspravi nije bilo te je nakon provedenog postupka glasanja konstatovano da je jednoglasno sa 21 glas ZA, bez protiv i suzdržanih glasova usvojen sljedeći:

ZAKLJUČAK

I

DA SE redovne sjednice Općinskog vijeća održavaju srijedom, sa početkom u 16,30 sati.

II

Predsjednici klubova parlamentarnih stranaka mogu odrediti i drugi termin održavanja sjednice Općinskog vijeća u toku mjeseca, po potrebi.

III

Za realizaciju zaključka zadužuje se Predsjedavajući Općinskog vijeća i predsjednici klubova parlamentarnih stranaka Općinskog vijeća.

IV

Stupanjem na snagu ovog zaključka prestaje da važi Zaključak broj:01/1-02-3015/16 od 23.11.2016. godne.

Ad.5

Razmatranje i usvajanje Izvještaja o održanoj privredno, kulturno-sportske manifestacije Bazenijada 2017. godine.

Vijećnik Avdić Edin istakao je da ovogodišnja manifestacija „Bazenijada“ 2017. godine amatersko-vašerska manifestacija, bez učešća privrednih subjekata. Prilikom organizovanja nisu uzeti prijedlozi koji bi ovu manifestaciju digli na veći nivo. Predlaže da se narednim organizacijama ova manifestacija promijeni svoj karakter te da se uloži više napora te da se pokaže sa čime općina Breza raspolaže kada je u pitanju privreda.

Vijećnik Bajrić Fetah istakao je da je ova manifestacija sramota za grad, te da je promjena lokacije za svaku pohvalu obzirom na blizinu vjerskog objekta.

Predsjednik organizacionog odbora Bazenijada 2017. Meliha Beširević upoznaje vijećnike da se radi o tradicionalnoj manifestaciji te da sa ovakvom kakva jeste građani su zadovoljni sa sadržajem i da je to naša stvarnost. Kritike su upućene zbog izmještanja lokacije Bazenijade.

Vijećnica Beširević Selma uputila je pohvalu za organizaciju Bazenijade te da je bilo dosta kulturnih dešavanja. Kada je u pitanju promjena lokacije dosta građana podržava tu odluku.

Općinski načelnik istakao je da teži da se buduća organizacija podigne na veći nivo te će se obezbijediti učešće privrednih subjekata.

Učesnika u raspravi više nije bilo te je nakon provedenog postupka glasanja konstatovano da je Izvještaja o održanoj privredno, kulturno-sportske manifestacije Bazenijada 2017. godine usvojena 12 ZA 9 suzdržanih, bez glasova protiv.

Ad6

Usmena informacija o radu Općinskog načelnika u periodu između dvije sjednice.

Općinski načelnik Zaimović Munib istakao je da je usvojen Prostorni plan koji je upućen u dalju proceduru nadležnim organima u ZDK. Nada se da će usvajanjem doći do finansijske stabilnosti i rješavanja problema dugovanja. Izrada regulacionih planova je u toku. U izradi je i Nacrt okvirnog budžeta Općine Breza za naredne 3 godine, u sklopu toga je sanacija budžeta za narednih 5 godina. U fazi je rješavanje budžetskog deficita sukladno pravilima i procedurama i biće završeno u narednom periodu. Izrađene su i smjernice za prioritarno djelovanje u narednom periodu. Na adresu 84 budžetska korisnika upućen je zahtjev za prelazak na trezorsko poslovanje. Kada je u pitanju izrada infrastrukturnih projekata na području Općine Breza obezbjeđena je projektna dokumentacija i nadamo se da će projekti biti završeni u predviđeni rokovima. U završnoj fazi je i realizacija projekta na rekonstrukciji lokalnog puta u naslju Župča, kao i mjesnih vodovoda i Dadijevac i Bukovik. Upoznaje vijećnike da je općina Breza dobila donaciju od strane općine Zenica a to je vozilo koje će se koristiti u svrhu zaštite od požara i elementarnih nepogoda. Kada je u pitanju Izvještaj o finansijskoj reviziji, napravljen je prijedlog preduzetih radnji prema preporukama iz Izvještaja o finansijskoj reviziji Općine Breza za 2016. a po tom pitanju planirano je održavanje tematske sjednice. Izvršeno je imenovanje upravljačkih struktura u javnim ustanovama i preduzećima kojima je osnivač Općina.

Vijećnik Avdić Edin pohvalio je političku vlast koja je uspjela obezbijediti sredstva za sanaciju puta R444. Istakao je da mu je čudno da je ova sanacija započeta u ovom periodu obzirom na intenzitet i vrstu radova i da se radi o veoma frekventnom dijelu puta, te je trebalo obezbijediti adekvatan alternativni pravac za odvijanje saobraćaja. Treća stvar koja je čudna i stiče se utisak da se radi bez tehničke dokumentacije obzirom da je u toku radova došlo do prekida telefonskih i vodovodnih instalacija i da nisu korišteni podaci o podzemnim instalacijama kako nalažu propisi. Također nedostaje informaciona tabla o nazivu projekta, o izvođaču radova, te što je najbitnije roka o završetku radova. U svemu što je najgore izvršena je sječa stabala „Breze“ koje su bile simbol grada. Postavio je pitanje, da li je reagovao sanitarno-komunalni inspektor, te da li je podnesena prijava za sječu?

Općinski načelnik : direkcija za ceste zeničko-dobojskog kantona je napravila elaborat i vrši nadzor u izvođenju kompletnih radova. Slaže se sa činjenicom da nedostaje ta informativna tabla. u toku izvođenja radova ukazala se potreba da izmiještanje starog vodova od strane JP Komunalno te je zato došlo do prekida dinamike izvođenja radova uzimajući u obzir težinu i složenost posla. Sjeća stabala je izvršena iz razloga što postojeća putna komunikacija nije zadovoljavala standarde širine kolovozne trake. što se tiče tehničke dokumentacije postoji projekat i stručno tehnički nadzor također vrši direkcija za ceste uz koordinaciju tehničkih lica iz općine. Kada su u pitanju alternativni pravci za održavanje saobraćaja mišljenja je da isti nije organizovan na adekvatan način uz poštivanje saobraćajnih pravila. Planirano je da se radovi završe u roku od 60 dana.

Vijećnik Bajrić Fetah ukazao je na nedostatak koordinacije između izvođača radova te potrebe za izmiještanje starih vodovodnih cijevi od strane komunalnog preduzeća. postavio je pitanje kada će biti završen projekat rekonstrukcije puta Liješće.

Općinski načelnik upozna je vijećnike da je rok za završetak radova na putu Liješće 4.11. 2017. godine ali je došlo do probijanja rokova zbog neriješenih imovinsko-pravnih odnosa, koji su u međuvremenu završeni.

Učesnika u raspravi više nije bilo.

Predsjedavajući općinskog vijeća još jednom je podsjetio vijećnike da će se 30.10.2017. godine održati edukacija vijećnika na temu „Funkcionisanje lokalne samouprave“, također je podsjetio da će 31.10. 2017.godine biti održana tematska sjednica.

Ovim je iscrpljen dnevni red jedanaeste redovne sjednice Općinskog vijeća Breza, koja je sa radom završila u 18.50 minuta.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović

PREDSJEDAVAJUĆI
Općinskog vijeća
Jusić Vedad